

Siunnersuummut nassuiaatit

Nassuiaatit nalinginnaasut

1. Aallaqqaasiut

Siunnersuummi nioqputissanik eqqussinermut akitsuutinik, nioqputissanut, innuttaasorpasuarni nalinginnaasumik atuinermi ilaasunut, akigititanik, sunniisartunik, appartitsinissaq atorunnaarsitsinissarlu siunertaavoq. Siunnersuut nunatsinni innuttaasut ulluinnaannik oqinnerulersitseqataassaaq.

Siunnersuut akileraarutininik akitsuutinillu iluarsaaqqinnissami pilersaarutigineqartumi, partiit Naalakkersuisooqatigiit isumaqatigiissutigisimasaanni, alloriarnerni suulliuvoq. Innuttaasunut ataasiakkaanut tamanut pitsaanerusunik aningaasaqarnikkut atugassaqartitsinissaq, pingaartumillu isertitakinnerpaanik nukittorsaanissaq, iluarsaaqqinnermi qitiutinneqartunut ilaapput.

Iluarsaaqqinnermi ukiuni aggersuni akileraartarnermut akitsuutinullu politiki pillugu aalajangersimasumik ataatsimoortumillu sinaakkutissiisoqassaaq. Naalakkersuisut ukiuni aggersuni siunnersuutit, politikip taassuma atuutsinneqalernissaanut pisariaqartut, saqqummiuttassavaat. Peqatigisaanik tamanna isumaqarpoq, akileraarutininik akitsuutinullu suliniutissat, akileraartarnermi iluarsaaqqinnermut ilaatinneqanngitsut, ukiuni aggersuni Naalakkersuisut tapersersorniannikkaat.

Tamatuma saniatigut siunnersuut inatsimmi § 1, imm. 1, nr. 4b-p oqaatsitigut naqqiissuteqarfiginissaanut siunnersuummik imaqarpoq.

2. Siunnersuummi immikkoortut pingaarnertit

Siunnersuutigineqarpoq sukkunut, sirupinut, glukosenut il.i.. akitsuutit ataavartussamik atorunnaarsinneqassasut. 2024-mut ukiumut aningaasaliiffiusumut akitsuutip atorunnaarsinneqarnissaa Aningaasaqarnermut Akileraartarnermullu Ataatsimiititaliap 2024-mi januaarimi akueraa. Inatsisissatut siunnersuummi atorunnaarsitsineq taanna ataavartussanngortinneqarpoq.

Eqqiluisaarnermut atortunut, tipigissaatinut, pinneraatinut assigisaannullu akitsuut pisuni arlalinni nioqputissat suut akitsuusiisussaatitaanermi ilaatinneqarnerannut aammalu sorliit akitsuuserneqannginnerannut tunngatillugu unammillernartortaqartarsimavoq. Fakturap nalinganit 38 procentinik akitsuusiisarneq 2022-mi 5,8 mio. koruunit missaannik iluanaaruteqartitsivoq. Peqatigisaanik akitsuut tunisassianut, amerlasuut atortagaannut, akigititanut sunniisarmat, akitsuutip atorunnaarsinneqarnissaanik siunnersuuteqarnissaq naleqqussorineqarpoq.

Nioqqutissanik eqqussinermi akitsuutitut inatsimmi § 1, imm. 1, nr. 4a-mi Qaanaamut, Ittoqqortoormiitut imaluunniit Tasiilamut eqqussinermi mineralvanditut, sodavanditut, limonanditut il.il. immikkut ittumik annertussusissaliussaq atorunnaarsinneqassasooq pillugu siunnersuut, § 1, imm. 1, nr. 4 pillugu siunnersuummi nr. 2-mut ataqatigiissillugu isigineqassaaq. Siunnersuummi nr. 2-p malitsigisaanik mineralvanditut, sodavanditut, limonanditut il.il. akitsuut literimut 5,75. koruuninut appartinneqarpoq, tassa imaappooq Qaanaamut, Ittoqqortoormiitut imaluunniit Tasiilamut eqqussinermi maannakkut akitsuutip annertoqqatigalugu. Allangortitsinerup kingunerisaannik nunatsinni sumut nioqqutissat eqqunneqarnerat apeqqutaatinnagu akitsuut assigiimmik annertussuseqartillugu atorneqartussanngorpoq.

Kiisalu siunnersuutigineqarpoq qummoroortartunut akitsuut maannakkut fakturap akiata 100 procentianiit 50 procentianut appartinneqassasooq. Siunertaavoq tunisassiamut, innuttaasut amerlanersaasa ukiumiit ukiumut nutaamut nikinnerup malunnartinnissaanut atortagaannut, akigitat appasinnerunissaat.

3. Pisortanut aningaasaqarnikkut allaffissornikkullu sunniutaasussat

Akitsuutinik allangortitsinerit siunnersuutigineqartut ukiumut 15,5 mio. koruunit missaannik akitsuutinit iluanaarutinik annikillississasut missiliorneqarpoq.

Iluanaarutit (1.000 kr.)	N 2022	AI 2023	AI 2024	Iluanaarutit nutaat	Allannguut
Qummoroortartut (100%-init 50 %-inut)	-4.218	-2.000	-3.000	-1500	1.500
Tipigissaatit (0 %-inut)	-5.779	-4.000	-4.000	0	4.000
Sodavandit (literimut 7,5 kr.-init literimut 5,75 kr.-nut)	-	-	-43.000	-32.967	10.033
Katillugit			-50.000	-34.467	15.533

Sodavanditut akitsuut pillugu iluanaarutinut missiliuinerit allaanerusinnaanerat sillimaffigineqarpoq, tassami maannakkut puukunik utertitseriaatsimut nutaamut ikaarsaarnep kingorna sodavandinik eqqussisarneq pillugu sulit naammattunik paasissutissanik peqanngimmat.

Tassunga ilanngutissaaq, sukkunut il.il. akitsuutip ataavartussamik atorunnaarsinneqarnissaa pillugu siunnersuutip malitsigisaanik iluanaarutit 12,3 mio. koruuninik annikillissusaanerat.

Iluanaarutissanik annaasaqarneq AIS 2025-mi kingornaniittunullu sipaarutissanik pilersarusiornikkut aningaasalorsorneqassaaq.

4. Inuussutissarsiortunut aningaasaqarnikkut allaffissornikkullu sunniutaasussat


Siunnersuut akitsuutit appartinneqarfiini imaluunniit atorunnaarsinneqarfiini nioqqutissanik ataasiakkaanik nioqquteqartartut kaaviiartitaasa annikinnerusumik qaffannerannik kinguneqasasoq ilimagineqarpoq. Sukkunut il.il. akitsuummut tunngatillugu, tamatuma sunniutaa atuutilereerpoq.

5. Avatangiisinut, pinngortitamut inuillu peqqissusaannut sunniutaasussat

Sukkunut il.il. akitsuutip atorunnaarsinneqarnera aammalu qummoroortartunut sodavandinullu akitsuutit appartinneqarnerat, akitsuutit appartinneqarnerat atuisartunut akigitat appasinnerulernerattut atorneqalissappat, nioqqutissanik pineqartunik atuinerulernermik malitseqarsinnaasoq missingersuisoqarpoq.

Qummoroortaanik atuinerup annertusinera eqqagassaqaqarnerulernikkut pinngortitamut nanertuutaanerussasoq ilimagineqarpoq. Taamattaaq piffinni avatangiisit, ikuallaaffiusut putsumik mingutsinneqarsinnaapput. Nalinginnaasumik qummoroortartarneq piffissap sivikitsup ingerlanerani pisarpoq, soorluttaaq ikuallannerit ilaat qutsissumi pisartut, pujorlu annikillisinneqartartoq. Ataatsimut isigalugu qummoroortarnermi avatangiisinik sunniut annikitsuinnaasutut isigineqartariaqarpoq. Qummoroortartunik atuineruneq ilanngullugu qummoroortarnermi akornusersinnaanera it annertunerulernerannik kinguneqarsinnaavoq. Sukkunik akitsuummik atorunnaarsitsinerup kiisalu sodavandinut akitsuutip appartinnerata kinguneranik atueriaatsip allangornera nalileruminaappoq. Tulliuttumi takutinneqartumi takuneqarsinnaasutut piffissami 2015-mit 2022-mut sukkunik mamakujuttunullu atuineq aalaakkaakannersimavoq, naak sukkunut mamakujuttunullu akitsuut 2019-mi qaffanneqaraluartoq. 2023-mi eqqussuinerup annertuumik apparnera Nuuk Imeq A/S-p ingerlataanik atorunnaarsitsiartornermik aallartitsinermik ataqatigiiffeqarsinnaavoq. Mamakujuttut sukkutulli nioqqutissianut takussutissiivimmi inissinneqartarnerat pissutigalugu naatsorsukkamut ilanngunneqarput.

Detaljeret import og eksport efter tid. Import, Hele året, Kilo, 17 Sukker og sukkerverer.



Sukkunut akitsuummik atorunnaarsitsineq sodavandinullu akitsuummik appaaneq nioqputissanik taakkunanga atuinerulernermik kinguneqassasoq ilimagineqassaaq. Atuinerulli annikitsuinnarmik qaffannissaa ilimagineqartariaqarpoq, sukkumi nalinginnaasumik nioqputissat allat sananeqarnerannut ilaasarput, taamaammallu sukkut akiisa ineriartornerat atuinnermut toqqaannartumik sunniuteqartarpoq. Peqatigisaanik sodavandit niuertarfinni akii ukiup nikinneranit qaffakkiartulerpoq, taamaammallu akitsuummik annikinnerusumik appaaneq, akit nutaat qaffasissut annikillinerannik peqataaqataasinnaavoq.

Naalackersuisut naliliipput innuttaasut amerlasuut allannguutit taakkua iluaqutigissagaat aammalu siunnersuut aningaasat naleerukkiartorneranni pitsaanngitsumik ineriartornerup pakkersimaarnissaanut annikinnerusumik iluaqutaasussat, tassani pineqarput. Naalackersuisut isumaqarput nioqputissanik pineqartunik atuinerulernerup sunniuteqarnerlunnissaa, iluaqutissartaasunit taakkunanga illuatungilerneqartut.

6. Innuttaasunut sunniutaasussat

Siunnersuut nioqputissat akikinnerulerneranni innuttaasut aningaasaqarnerannut iluaqutaassasoq naliliisoqarpoq.

7. Sunniutaasussat annertuut allat

Siunnersuut allanik sunniuteqartussatut nalilerneqanngilaq.

8. Oqartussanut kattuffinnullu il.il. tusarniaaneq

Siunnersuut piffissaliussaq pissutigalugu tamanut ammasumik tusarniaassutigineqanngilaq.

Taarsiullugu siunnersuut namminersorlutik oqartussat naalackersuisoqarfiinut piffissami 4. Aprilimit 8. apriliip tungaanut tusarniaassutigineqarpoq.

Tusarniaanermi akissutinik tigusani immikkoortut pingarnerit tulluuttuni ilanngussaq 2-mi eqqartorneqarlutillu oqaaseqarfigineqarput.

Aalajangersakkanut ataasiakkaanut nassuiaatit

§ 1-imut

Nr. 1-imut

Siunnersuutigineqarpoq sukkunut, glukosenut il.il. kiisalu tipigissaatinut, pinnersaatinut eqqiluisaarnermullu atortunut il.il. eqqussinermut akitsuut atorunnaarsinneqassasoq.

Tamatuma saniatigut siunnersuutigineqarpoq mineralvandinut, sodavandinut, limonadenut allanullu imeruersaatinut kulisyremik akulinnut, Qaanaamut, Ittoqqortoormiitut imaluunniit Tasiilamut eqqunneqartunut immikkut akitsuusiisarneq atorunnaarsinneqassasoq.

Nr. 2-mut

Siunnersuutigineqarpoq imeruersaatinut, sodavandinut, limonadenut imeruersaatinullu kulsyretalinnut, ethanolimik akoqanngitsunut, eqqussinermut akitsuut nunarput tamakkerlugu 5 kr. aamma 75 øremut aalajangersarneqassasoq.

Nr. 3-mut

Ajuusaarnartumik paasinarsisimavoq inatsimmi aalajangersakkap kalaallisoortaa tamakkiisuunngitsoq, taamaattumik oqaasertaasa erseqqissarneqarnissaat siunnersuutigineqarluni.

Nr. 4-mut

Qummoroortartunut akitsuut eqqussinermi fakturap nalingata 50 %-ianut appartinneqassasoq siunnersuutigineqarpoq.

Siunnersuut inatsimmut atuuttumut sanilliullugu	
<i>Oqaasertai atuuttut</i>	<i>Siunnersuut</i>
	<p>§ 1 Nioqqutissanik eqqussuinermi akitsuutit pillugit Inatsisartut inatsisaanni nr. 19, 30. oktober 1992-imeersumi, ilaatigut Inatsisartut inatsisaanni nr. 8, 19. Oktober 2007-meersukkut, Inatsisartut inatsisaat nr. 21, 23. November 2015-meersukkut, Inatsisartut inatsisaat nr. 2, 25. maj 2016-meersukkut, kingullermillu Inatsisartut inatsisaanni nr. 60, 20. november 2023-meersumi allanngortinneqartumi, makkua allanngortinneqarput:</p>
<p>§ 1. Akitsuuteqarfiusumut nioqqutissanik eqqussuinermi, takuuk nioqqutissanik eqqussuineq annissuinerlu pillugit Inatsisartut inatsisaat nr. 18, 30. oktober 1992-imeersumi § 6, landskassemut nakkartussanik makku akitsuutaassapput:</p> <p>Nr. 1. Sukkunik nioqqutissiat suulluunniit, tamatumani ilaallutik sirup aamma glukose kg.-mut 10 kr. 31 øre.</p> <p>Nr. 4a. Mineralvandit, sodavandit, limonadit allallu imeruersaatit kulsyremik akullit, ethanolimik akoqanngitsut Qaanaap, Ittoqqortoormiit imaluunniit Tasiilap kommuniini inuussutissarsiuqartunit tuniniaqqitassatut eqqunneqartut literimut 5 kr. 75 øre.</p> <p>Nr. 18. Tipigissaatit, pinnersaatit eqqiluisaarnermullu atortut, makkuli pinnagit: qaqorsaait, kigutigissarnermut atortut, nutsanut quligutit qaqorsaataannallit,</p>	<p>1. § 1, imm. 1, nr. 1, nr. 4a, aamma nr. 18 atorunnaarsinneqarput.</p>

<p>unernut tipigissaatit, taratsut uffarnermut atortut, nakkalatsiterutit kiisalu naalungiarsunnik paaqqinninnermi atortut fakturami nalingisa 38 %-iat</p>	
<p>Nr. 4. Mineralvandit, sodavandit, limonadet aamma imigassat kulsyrimik akullit, ethanolimik akoqanngitsut, nr. 4a-mut 4b-mullu ilaanngippata, literimut 7 kr. 50 øre</p>	<p>2. § 1, imm. 1, nr. 4, imatut oqaasertalerneqarpoq: ” Nr. 4. Imeruersaatit, sodavandit, limonadet imeruersaatillu kulsyretallit, ethanolimik akoqanngitsut, taakkua nr. 4b-imi pineqartunut ilaatinneqanngikkunik, literimut 5 kr. 75 øre”</p>
<p>Nr. 4b. Imigassat ethanolimik akoqanngitsut, koffeinimik literimut 149 mg-imit annerusumik akullit, literimut 15 kr. 00 øre</p>	<p>3. § 1, imm. 1, nr. 4b, imatut oqaasertalerneqarpoq: ” Nr. 4b. Imeruersaatit imeriaannaat 1,21 volumenprocent inorlugu ethanolimik akullit, literimut 149 mg-init annertunerusumik koffeinimik akoqartut, literimut 15 kr. 00 øre.”</p>
<p>Nr. 27. Qummoroortartut fakturami nalingisa 100%- iat.</p>	<p>4. § 1, imm. 1, nr. 27, imatut oqaasertalerneqarpoq: ” Nr. 27 Qummoroortartut fakturami nalingisa 50 %-iat.”</p>
	<p style="text-align: center;">§ 2</p> <p>Inatsisartut inatsisaat nalunaarutigineqarnerata aqaguani atuutilerpoq.</p>